



KENYATAAN MEDIA

SEMINAR KEJURULATIHAN DAN PEMBANGUNAN SUKAN DI WILAYAH PERSEKUTUAN 2021

KUALA LUMPUR, 10 APRIL – Sektor sukan tidak terlepas menerima kesan daripada penularan pandemik Covid-19 dengan pelbagai program serta kejohanan termasuklah Sukan Malaysia (SUKMA) terpaksa dibatalkan.

Majlis Sukan Wilayah Persekutuan (MSWP) bagaimanapun mengambil inisiatif untuk julung kalinya mengadakan Seminar Kejurulatihan dan Pembangunan Sukan di Wilayah Persekutuan 2021 dengan mengumpulkan sembilan pembentang yang berpengalaman luas untuk berkongsi kepakaran masing-masing bersama 150 jurulatih di bawah persatuan sukan negeri di bawah MSWP.

Dengan tema *“Reach for Gold: Developing and Shaping High Performance Sports Approach for SUKMA 2020”*, seminar yang berlangsung selama dua hari di Pullman Hotel Bangsar menyaksikan panel berpengalaman terdiri daripada Prof. Madya Dr. Nur Ikhwan Mohamad (UPSI), Prof. Madya Dr. Jeffrey Low Fook Lee (UPSI), Prof. Madya Dr. Jady Zaidi Hassim (UKM), Zulkefli Saref (ADAMAS), Ahmad Khawari Mohd Isa (Astro Arena), Prof. Madya Dr. Raja Mohammed Firhad Raja Azidin (UiTM), Prof. Madya Dr. Mahenderan Appukutty (UiTM), Prof. Madya Dr. Mohd Khairi Zawi (UKM) dan Datuk Dr. Alzamani Mohammad Idrose (HKL).

Dalam majlis perasmian seminar hari ini, Menteri Wilayah Persekutuan, YB Tan Sri TPr Annuar Haji Musa turut hadir menyaksikan pertukaran lima perjanjian persefahaman (MOU) antara MSWP dengan beberapa universiti dan agensi swasta seperti Universiti Islam Antarabangsa (UIA), Mahsa Universiti, KPNP Malaysia, Paragon Vest Sdn Bhd dan Persekutuan Judo Malaysia, yang bakal memberi manfaat kepada pembangunan sukan dan sokongan pendidikan dan manfaat lain buat kontinjen Wilayah Persekutuan.

Seiring dengan inisiatif Wilayah Cakna yang memberi penekanan terhadap kebajikan atlet, Dua elemen utama yang memberi manfaat kepada kebajikan

atlet adalah melalui kerjasama laluan pendidikan dan latihan kemahiran antara universiti dan syarikat swasta serta pengenalan ***Team Wipers Discount Card*** yang mana inisiatif ini merupakan inisiatif pertama yang diwujudkan oleh Majlis Sukan Negeri di Malaysia.

Seramai 1,300 atlet di bawah Majlis Sukan Wilayah Persekutuan bakal menerima manfaat ini yang membolehkan atlet membeli peralatan sukan di kedai yang disenaraikan atau pun di laman web yang disenaraikan dengan potongan sehingga 25-50 peratus.

Sebelum ini atlet Wilayah Persekutuan turut menerima pelbagai kebajikan termasuklah perlindungan insurans, Skim Insentif Kemenangan, bantuan perubatan dan rehabilitasi sukan serta banyak lagi.

TAMAT